

拍于憶持千手呪者以現得惡死報緣第十四

越前國加賀郡、有浮浪人之長、探浮浪人、驅使雜徭、徵乞調庸、于時有京戸小野朝臣庭鷹、為優婆塞、常誦持千手之呪、為業、展轉彼加賀郡部內之山、而修行、神護景雲三年歲次己酉春三月廿六日午時、其長有其郡部內御馬河里、遇行者曰、汝何國人、答、我修行者、非俗人也、長嘖嘖言、汝浮浪人、何不輪調、縛打驅徭、猶拒逆之、懇引譬言、衣虱上於頭而成黑、頭虱下於衣而成白、如是有譬、頂戴陀羅尼負經之意、不遭俗難、何故持大乘之我令打辱、實有驗德、今示威力、以繩繫千手經、從地引之而去、刑行者之處、與長家之程、一里許、長至己家門、從馬將下、堅不得下、忽與乘馬、騰空而往、到捶行者之處、懸空逕一日一夜、明日午時、自空落死、彼身摧損、如竿入囊、諸人見之、無不懼恐、如千手經說、此大神呪々、乾枯樹尚得生枝柯華菓、若有謗此呪者、即為謗彼九十九億恒河沙諸仏云々、方広経云、誹謗賢人者、等於破壞八万四千国塔寺之人罪者、其斯謂之矣、

擊沙弥乞食以現得惡死報緣第十五

大養宿禰真老耆、居住諸樂京活目陵北之佐岐村也、天骨邪見、默惡乞者、當帝姬阿陪天皇之代、有一沙弥、就真老之門、而乞食、真老不施之物、返奪袈裟、諸見逼惱言、汝曷僧也、乞者答曰、我是自度、真老亦拍逐之、沙弥大恨而去、於其日夕、煮糲寒凝、明

日辰時、起居朝床、彼鯉含口、取酒將飲、自口黑血、返吐傾臥、如幻絕氣、如寐命終、諒知、邪見切身之利劍、瞋心是招禍之疾鬼、慳貪受餓鬼之苦因、多欲障慈施之猛藪、唯見來乞者、可生憐愍、和顏悅色、法施財施、所以丈夫論云、雖是多者、雖是泥土、重於金玉、悲心多者、雖施金玉、輕於草木、見乞人時、不忍言無、悲泣墮淚云々、

女人濫嫁飢子乳故得現報緣第十六

橫江臣成百女者、越前國加賀郡人也、天骨姪洸、濫嫁為宗、未盡丁齡、死淹歷年、紀伊國名草郡能底里之人、寂林法師、離之國家、經之他國、修法求道、而至加賀郡畝田村、逕年止住、奈良宮御宇大八嶋國、白壁天皇世、宝龜元年庚戌冬十二月廿三日之夜夢見、從大和國鵜鴫聖德王宮前之路、指東而行、其路如鏡、廣一町許、直如墨繩、辺木草立、林佇看之於草中、有大快肥女、裸衣而踞、兩乳脹大、如竈戸垂、自乳流膿、長跪以手押膝、臨之病乳、而言痛乳乎、呻吟苦病、林問汝何女、答、我有越前國加賀郡大野鄉畝田村之橫江臣成人之母也、我齡丁時、濫嫁邪姪、幼稚子棄、与壯俱寐、逕之多日、而子乳飢、唯子之中、成人甚飢、先由幼子飢乳之罪故、今受乳脹病之報、問何脫此罪、答、成人知之、我罪免也、林自夢驚醒、独心怪思、逕彼里訊、於是有人答言、当余是也、林述於夢狀、成人聞之、言我稚時、離母不知、唯有我姊、能知事狀、問姊之時、

1 戸(前) 一戸

2 六(前) 一七

3 之(前) 一也

4 之(前) 一也

5 家(来前) 一逮

6 己(来前) 一也

7 乘(前) 一垂

8 捶(来前) 一揺

9 此(来前) 一ナシ

10 々(来前) 一ナシ

1 擊 一擊

2 目(来前) 一目目

3 奪(来前) 一集

4 度(来前) 一慶

5 黑(前) 一里

6 土(来) 一安

1 留 一負

2 者(来前) 一ナシ

3 紀(来前) 一記

4 之(来前) 一也

5 之(国) 一也

6 之(国) 一也

7 鵜鴫(真釈) 二合 意可留可)

8 看(来前) 一者

9 之(来前) 一也

10 之(来前) 一也

11 俱(来前) 一夫俱

12 之(来前) 一也

13 訊(前) 一孰

14 之(来前) 一也